

1439 fortuna semel inclinata sisti possit, factum est, ut subita oppidanorum deditione ipsi cum Clodianis in hostium potestatem venerint. Leniâço recepto, Picininus & Gonzaga in Vincentinos ac Patavinos fines irruere; ad Baldum aliquandiu laboratum: inde, eo capto, miro victoriæ cursu Leonicum cepere, Brendolam, Monticulum, Arcinianum, Montursum cum Drefini valle, & ea quæ Agni dicitur. Montanorum quoque nonnulli deditionem fecere. Sed hæc fere omnia Vincentinorum sunt. In Veronenſi Suavium & quicquid fere ejus terræ reliquum erat, in hostium potestatem concessit. Quo tanto rerum successu elatus Picininus, Veronam castra admovit, quo & Gonzaga cum omnibus copiis venit. Erantque in hoc statu circa Athesim res Venetæ, quum ad Benacum aliquanto meliore eventu est pugnatum. Forojulianus Italus Salodii cum equitatu non parvo, sed majore omnino peditatu erat, & Gibellinæ factionis Brixienſes cum eo plurimi: his copiis fretus ille, Materno, Peneſtra, Turbulisque Venetum dejicere summa ope nitebatur. Aderat Petrus Advocarus cum Guelphorum multitudine ad prohibendos hostium conatus. Ad Maternum itaque (nam id quoque oppidum tum Venetorum fuisse reperio) atroci prælio concursus est. Zenus qui Venetæ classi præerat, tam proximo pugna loco naves applicuit, ut navales milites terrestri acie in hostem dimicarint. Pugna a tertia diei hora ad vesperam est protracta. Inde dum sensim suos a prælio Italus revocaret, perque angustam semitam lacui prominenti clivo objectam accurate militem traduceret, Zenus ex ipsis navibus assiduo telorum jactu expositum hostem & injuriæ opportunum vehementer inceſſebat. Urgebat interim Advocarus extremum agmen, multaque cæde retardabat. Tum hostes ipsi a tergo & a latere multitudine telorum afflicti, solutis ordinibus, fugam capeſſunt. Instat victor Venetus, multos trucidat, multos quoque vivos in suam redegit pote-

*Picininus
& Mantua-
nus Prin-
ceps multa
oppida Vi-
centini &
Veronenſis
agri Venetis
adimunt.*

*Ad Bena-
cum terro-
ſtri prælio
proſpere pu-
gnatur.*